



МИКРОҚАРЗНИ
НГ ТЎЛИҚ
ҚИЙМАТИ
___% (сумма ёзма
равишда) ЙИЛЛИК
ФОИЗЛАР

Микроқарз бериш тўғрисида № ____ - сонли шартнома

Тошкент ш.

кк.оо.йййй й.

Бундан буён «Банк» деб аталувчи «ANOR BANK» акциядорлик жамияти бир томондан ва бундан буён «Қарз олувчи» деб аталувчи Ўзбекистон Республикаси фуқароси **Ф.И.Ш._____** (ID-картаси/паспортининг рақами, берилган сана ____, кк.оо.йййй йил) иккинчи томондан, биргаликда «Томонлар» деб, алоҳида эса «Томон» деб аталиб, қуйидагилар тўғрисида ушбу Микроқарз бериш шартномасини (бундан буён «Шартнома» деб юритилади) туздилар:

АТАМАЛАР ВА ТАЪРИФЛАР

Ушбу Шартнома матнида, контекстан бошқача маъно келиб чиққан ёки кўрсатилган ҳоллар бундан мустасно, ушбу бўлимда берилган атамалар ва таърифлар қуйидаги маъноларни англатади:

Сўровнома - бу кредит маблағларини Мижозга тақдим этилиш эҳтимолини баҳолаш мақсадида Банкка Мижоз томонидан юбориладиган (шунингдек, МБХда шакллантирилувчи) Мижоз ҳақида умумий маълумотларга эга ҳужжат.

Микроқарзни ажратиш санаси – Мижознинг талаб қилиб олингунча депозит ҳисобига/банк картасига/электрон ҳамёнига пул маблағларини Банк томонидан ўтказилиши санаси.

Қарз олувчи - кредит муносабатларидаги тарафлардан бири бўлиб (жисмоний шахс, Ўзбекистон Республикаси фуқароси ёки Ўзбекистон Республикасида доимий яшаб келаётган фуқаролиги бўлмаган шахс), микроқарз оладиган ва олинган суммани микроқарз шартномасида белгиланган шартлар асосида қайтариш мажбуриятини оладиган жисмоний шахс.

Микроқарз - муддатлилик, қайтарилувчанлик, таъминланганлик ва тўланиш шартларида Банк томонидан Жисмоний шахсларга тақдим этилувчи пул маблағлари.

Рағбатлантирувчи фоиз ставкаси (РФС) - Микроқарз бўйича фоизларни қайта ҳисоблаш ставкаси бўлиб, бунда кредитлашнинг бутун даври давомида асосий қарз ва фоизлар бўйича тўловлар Қарз олувчи томонидан ўз муддатида кечиктирмасдан амалга оширилганда, Қарз олувчининг дебет банк картасига/талаб қилиб олингунча депозит ҳисобига/электрон ҳамёнига РФС ставкасидан юқори ҳисобланган ва олинган фоиз тўловларини қайтаришни (солиқ харажатларини чегириб юбориш билан) назарда тутати.

1. ШАРТНОМА ПРЕДМЕТИ

1.1. Ушбу Шартнома шартларига кўра, Банк Қарз олувчига ушбу Шартномада назарда тутилган миқдорда ва шартларда Микроқарз бериш мажбуриятини олади, Қарз олувчи эса ушбу Шартнома шартларига мувофиқ олинган Микроқарзни қайтариш, фоизлар ва бошқа тўловларни тўлаш мажбуриятини олади.

2. АСОСИЙ ШАРТЛАР

	Шартлар	Шартларнинг мазмуни
2.1.	Микроқарзнинг суммаси	(Сумма ёзма равишда)
2.2.	Кредитлаш шакли	
2.3.	Кредит линиясини ўзлаштириш муддати	
2.4.	Шартнома муддати	
2.5.	Микроқарзни ажратиш тартиби	
2.6.	Фоиз ставкаси	
2.7.	Микроқарз бўйича асосий қарздорликни ва фоизни сўндириш тартиби Сўндириш шarti:	
2.8.	Қарз олувчининг ташаббуси билан шартномага ўзгартиришларни киритиш учун бир марталик комиссия	
2.9.	Таъминот	
2.10.	Микроқарзни ва унга қўшиб ҳисобланган фоизларни сўндириш бўйича мажбуриятларни ўз вақтида бажармаслик, ҳамда шартнома бўйича мажбуриятларни бажармасликда қўлланиладиган чора	
2.11.	Микроқарзнинг тўлиқ қиймати (МТҚ) ўз ичига қуйидагиларни киритади	
2.12.	Микроқарзнинг сўндириш жадвали	Мазкур Шартномага 1-илова

3. АСОСИЙ ҚОИДАЛАР

3.1. Ушбу Шартнома Банк томонидан Қарз олувчига Ўзбекистон Республикаси миллий валютасида микроқарз бериш тартибини белгилайди ҳамда Қарз олувчи ва Банк ўртасида юзага келадиган муносабатларни тартибга солади.

3.2. Микроқарзни тақдим этиш тўғрисида Шартнома Ўзбекистон Республикаси Фуқаролик кодексининг 367-моддаси ва 369-моддаси 2-қисми, Универсал шартномага мувофиқ тарзда тузилади ва мазкур Умумий шартларда кўзда тутилган ва бирон бир истисносиз ёки чекловларсиз мазкур Умумий шартларда Мижоз томонидан сўзсиз акцептни англатувчи ҳаракатларнинг Мижоз томонидан амалга оширилиш пайтидан кучга киради.

4. ССУДА ҲИСОБИНИ ОЧИШ

4.1. Мазкур Умумий шартларга мувофиқ Банк Мижозга миллий валюта ссуда ҳисоби(лари)ни очади.

4.2. Ҳисобрақамининг тартиб рақами бир томонлама тартибда Банк томонидан белгилаб берилади ва Шахсий кабинетда (МБХ) маълумотни жойлаштириш ёрдамида Мижозга хабар қилади.

4.3. Микроқарз такдим этилгандан сўнг Банк Қарз олувчига унинг хохишига биноан Карта расмийлаштиради.

4.4. Келгусида микроқарз бериш жараёнида Қарз олувчига бошқа турдаги Карталарни бепул чиқариш имконияти берилади. Агар Қарз олувчида барча Карта турлари бўлса, кейинги карталар Банкнинг белгиланган Тарифларига мувофиқ тўлов амалга оширилгандан сўнг чиқарилади.

5. МИКРОҚАРЗНИ БЕРИШ ВА СЎНДИРИШ ТАРТИБИ

5.1. Микроқарз Мижознинг талаб қилиб олингунча депозит ҳисобига/банк картасига/электрон ҳамёнига нақд пулсиз шаклда пул маблағларини ўтказиш йўли билан мазкур Умумий шартлар билан ўрнатилган шартларда ва тартибда Мижозга такдим этилади.

5.2. Микроқарзни такдим этиш бўйича Банкнинг мажбуриятлари микроқарзни такдим этиш Санасидан бажарилган ҳисобланади.

5.3. Микроқарзнинг суммаси, муддати, фоиз ставкаси сўндириш жадвали микроқарзнинг Якка тартибдаги шартлари билан белгилаб берилади.

5.4. Агар тўлов санаси ишланмайдиган банк кунига тўғри келса, тўлов Санаси кунини этиб унинг кейин келувчи энг яқин банк иш кунини ҳисобланади. Бунда, тўлов суммаси ўзгаради (дам олиш/байрам кунлари учун фоизлар тўлов суммасига киритилади ва кейинги тўловлардан чегириб қолинади).

5.5. Мижозлар учун ҳисобварақдаги мавжуд пул маблағларидан фойдаланган ҳолда куйидаги операцияларни амалга оширишга чекловлар ўрнатилади:

- P2P операциялари;
- Жисмоний шахсларнинг ҳисобварақларига ва электрон ҳамёнларига пул ўтказмалари;
- P2P ўтказмалари орқали тўлдириш имкониятини такдим этган мобил алоқа операторлари орқали телефон рақамини тўлдириш;
- Хорижий тўловлар ёки пул ўтказмалари ҳамда онлайн валюта айирбошлаш операцияларидан фойдаланиш;
- Банк томонидан огоҳлантириш мақсадида ўз ихтиёрига кўра белгиланган бошқа чекловлар (чоралар);

Шу билан бирга, Банк чекловлар ўрнатилганлиги ва бу чекловларни олиб ташлаш учун SMS хабарда кўрсатилган телефон рақамига ёки мобил иловадаги PUSH хабарга кўнғироқ қилиш орқали қўшимча тасдиқлашдан ўтиш зарурлиги ҳақида хабарлар юборади.

Пул маблағларига қўйилган чекловлар Банк томонидан куйидагилардан сўнг олиб ташланади:

1) Мижоз қўшимча тасдиқ олиш учун Банк мобил иловасидаги СМС-хабар ёки ПУШ-билдиришномада кўрсатилган телефон рақамига кўнғироқ қилгандан сўнг,

2) Банк Мижозга Банк мобил иловасига бириктирилган телефон рақамига қайта кўнғироқ қилгандан сўнг ва Мижоз томонидан Микроқарз бегона ғаразли таъсирларсиз олинаётгани ҳақида тасдиқ олгандан сўнг.

5.6. Чекловлар қўйилганлиги тўғрисида мобил илова орқали SMS-хабар ёки PUSH-хабарнома юборилганидан сўнг 48 (қирқ саккиз) соат ичида фойдаланувчининг онлайн микроқарз олиш учун аризани бегона шахсларнинг ғаразли таъсири остида топширилганлиги аниқланса ёки фойдаланувчи томонидан тасдиқлаш жараёни бажарилмаса ёки ажратилган микроқарз сарфланмаган бўлса, бунда банк шартномани бир томонлама бекор қилади ва пул маблағларини акцептсиз қайтаради.

5.7. Микроқарзлар бўйича асосий қарзни тўлаш (қайтариш) мижоз томонидан микроқарз валютасида микроқарзнинг якка тартибдаги шартларига мувофиқ амалга оширилади.

5.8. Мижознинг Микроқарзини сўндириш учун келиб тушган маблағлар Микроқарз бўйича асосий қарзни, ҳисобланган фоизлар, жарима, воситачилик ҳақи ва шу кабилар бўйича қарзларни сўндиришга йўналтирилади. Банк фойдасига келиб тушган тўлов жисмоний шахс - қарз олувчига ажратилган микроқарз бўйича мажбуриятларни бажариш учун етарли бўлмаса, Мижознинг (қарз олувчининг) қарзи қуйидаги тартибда сўндирилади:

1) асосий қарз бўйича муддати ўтган қарз ва муддати ўтган фоиз тўловлари мутаносиб равишда;

2) жорий давр учун ҳисобланган фоизлар ва жорий давр учун асосий қарз бўйича қарз;

3) жарима (пеня);

4) кредиторнинг қарзни узиш билан боғлиқ бошқа харажатлари.

5.9. Муддатли қарздорлик (сўндириш санаси бошланмаган қарздорлик/микроқарзни муддатидан олдин сўндирилиши) Қарз олувчининг кўрсатмасига биноан сўндирилади.

5.10. Асосий қарзни сўндириш унинг ҳисоби юритиладиган ссуда ҳисобига амалга оширилади, микроқарз бўйича қўшиб ҳисобланган фоизларни ҳисобга олиш оширилади. Асосий қарз ва у бўйича қўшиб ҳисобланган фоизларни сўндириш санаси этиб кўрсатилган ҳисобларга маблағларнинг келиб тушиш куни деб ҳисобланади.

5.11. Микроқарз бўйича асосий қарзни, фоизларни ва/ёки бошқа тўловларни сўндириш Банк томонидан Мижознинг аризаларини топшириқномаларини бажарилиш йўли билан ва/ёки Банк томонидан мустақил Мижознинг талаб қилиб олингунча депозит ҳисобидан маблағларни мемориал ордерлар билан акцептсиз ечиб олиниши йўли билан амалга оширилади.

5.12. Мазкур Умумий шартлар бўйича Микроқарзни, фоизларни ва бошқа тўловларни тўлаш Ўзбекистон Республикасининг бошқа банкларидан, банк ҳамкорларининг тўлов терминаллари ёрдамида ёки банкнинг МБХсидан фойдаланиш йўли билан ўзининг талаб қилиб олингунча Ҳисоб/микроқарзни сўндириш учун махсус ҳисоб/Карта ҳисобрақамни (РФС) тўлдириш йўли билан Мижоз томонидан амалга оширилиши мумкин. Микроқарз бўйича тўловни амалга ошириш учун Мижоз ёки унинг ишончли шахси мобил иловада ёки банк Ҳамкорларининг тўлов терминалларида реквизитларни тўлдиришда тегишли майдонга "Микроқарз коди"ни киритиши керак. "Микроқарз коди"ни Қарз олувчи МБХ тизими орқали Микроқарзни расмийлаштиришда билиб олиши мумкин.

5.13. Кредит линияси Қарз олувчига у очилган пайтдан бошлаб 1 (бир) банк иш куни муддатига берилади. Кўрсатилган муддат тугагач, Банк Кредит линиясини ўзлаштириш имкониятини қайта тиклаши ёки уни ўзи белгилаган шартлар асосида қайта очиши мумкин. Қарз олувчини Банкнинг бундай ҳаракатлари тўғрисида хабардор қилиш Банкнинг ички меъёрий ҳужжатларида белгиланган тартибда амалга оширилади.

5.14. Микроқарзни қайтариш жадвали қайта расмийлаштирилиши билан (шу жумладан, Микроқарз бўйича молиялаштиришни бошлаш муддатлари ёки Шартномада назарда тутилган ўзгарувчан фоиз ставкаси ўзгарган тақдирда (шу жумладан, Микроқарзни реструктуризация қилиш), Мижоз томонидан микроқарзни қисман муддатидан олдин қайтариш, Микроқарз бўйича тўловларни амалга ошириш санаси ва муддатлари ёки оралиқ кредит тўловлари миқдорлари ўзгарганда) илгари амал қилган Микроқарзни қайтариш жадвали ўз кучини йўқотади, янги Микроқарзни қайтариш жадвали эса Қарз олувчига тақдим этилади. Мижоз микроқарзни тўлашнинг амалдаги жадвалини Банкнинг мобил иловасида олиши мумкин.

6. МИКРОҚАРЗДАН ФОЙДАЛАНГАНЛИК УЧУН ТЎЛОВ

6.1. Банк микроқарзнинг Якка тартибдаги шартларида кўрсатилган йиллик фоиз ставкаларни ҳисобидан Микроқарз бўйича асосий қарзнинг ҳақиқий қолдиғига фоизларни ҳисоблаб чиқаради.

6.2. Ўзбекистон Республикаси Марказий банки қайта молиялаш ставкасини ўзгариши ёки капитал бозорида ресурслар учун тўловларни ортиши/пасайиши тақдирда, Микроқарзнинг Якка тартибдаги шартларида кўрсатилган Микроқарздан фойдаланиш учун ҳисобга ўтказилувчи фоизлар ставкасининг миқдорини икки томонлама розилик бўйича Томонлар билан қайта кўриб чиқилиши мумкин, бу МБХда ёки ёзма равишда тузиладиган оферта акцепти (яъни қўшимча битим) билан тасдиқланади.

6.3. Микроқарз бўйича асосий қарзнинг қолдиғига фоизлар йилига 365 (уч юз олтмиш беш) кун ҳисобидан иш кунининг якунига ва ҳар бир ойда кунларнинг ҳақиқий миқдорига қараб ҳар куни ҳисобланади. Ҳисоблаш ссуда ҳисобида қарздорлик вужудга келиш кунига амалга ошириш бошланади.

6.4. Мижозларга ушбу Умумий шартларнинг 4.5-бандида белгиланган шартларга мувофиқ Мижоз томонидан Микроқарз бегона ғаразли таъсирларсиз олинаётганлиги тасдиқлангунга қадар имтиёзли фоизсиз давр тақдим этилади. Янги фойдаланувчининг шахси тасдиқлангандан сўнг берилган имтиёзли давр бекор қилинади.

6.5. Мижоз тўлов санасига микроқарзнинг Якка тартибдаги шартларига мувофиқ ҳисобланган Микроқарздан фойдаланганлик учун фоизларни Банкка тўлайди.

6.6. Микроқарзнинг тўлиқ қиймати (МТҚ) Ўзбекистон Республикасининг қонунчилигига мувофиқ ҳисобланади. МТҚни ташкил этувчилари ҳақидаги батафсил маълумотлар микроқарзнинг Якка тартибдаги шартларида келтирилади.

6.7. Мижоз мажбуриятларини қисман ёки тўлиқ бажарилмаслик хавфини олиб келмайдиган Шартнома шартларига ўзгартиришлар киритиш (фоиз ставкасини ошириш, шахсий маълумотлар қисмида ўзгартиришларни киритиш ва ҳоказолар), ҳамда асосий қарзни қисман муддатидан олдин сўндириш муносабати билан сўндириш жадвалига ўзгартиришлар киритиш бир марталик комиссияларни ундирмасдан амалга оширилади.

6.8. Қарз олувчи томонидан мажбуриятларни қисман ёки тўлиқ бажармаслик хавфини олиб келмайдиган таъминот қисмида микроқарз ажратиш Шартномаси шартларига ўзгартиришлар киритиш (қўшимча таъминотни тақдим этиш, техпаспортни, кадастр ҳужжатларини, гаров предметининг жойлашиш жойи, суғурталаш муддатини узайтириш ва ҳоказолар) юқоридаги Шартноманинг шартларига таъминот қисмида ўзгартиришларни киритиш учун бир марталик комиссия ундирмасдан амалга оширилади.

6.9. РФС ставкасини қўллаш ҳолатида, якка тартибдаги шартларда кўрсатилган РФС ставкаси бўйича Микроқарзни тўлиқ сўндирилган тақдирда фоизлар РФС ставкасида қайта ҳисобланади, Бунда кредитлашнинг бутун даври давомида асосий қарз ва фоизлар бўйича тўловлар муддатини тўлов жадвалидан кечиктирмаганлик шартида, Қарз олувчининг дебет банк картасига/талаб қилиб олингунча депозит ҳисобига/электрон ҳамёнига РФС ставкасидан юқори ҳисобланган ва олинган фоиз тўловларини қайтариш (солиқ харажатларини чегириб юбориш билан) амалга оширилади.

7. МИКРОҚАРЗ ҚАЙТАРИЛИШINI ТАЪМИНЛАШ

7.1. Ушбу шартномага мувофиқ тақдим этиладиган микроқарз қиймати микроқарз суммасининг камида 125% ташкил этадиган қуйидаги таъминот турлари билан таъминланиши мумкин:

7.1.1. Микроқарзни сўндирмаслик хавфидан суғурта полиси билан. Банк Суғуртачи билан кредитлашнинг бутун муддатига микроқарзни сўндирмаслик хавфини суғурталаш шартномасини тузади (кейинги ўринларда "таъминот"). Микроқарзни сўндирмаслик хавфи суғурта полиси аниқ шартлари Банкни қониктирувчи шартларда тегишли суғурта шартномасида (ёки суғурталаш бўйича келишувда) кўрсатиб ўтилади. Таъминот суммаси Якка тартибдаги шартларда белгиланади.

Бунда микроқарзни сўндирмаслик хавфини суғурталаш Шартномаси/Келишуви

бўйича суғурталаш мукофотини тўлаш бўйича мажбурият Мижоз зиммасига юклатилади.

7.1.2. Алоҳида депозит ҳисобда жойлаштирилган Мижознинг/учинчи шахсларнинг пул маблағларини гарови. Таъминот суммаси Якка тартибдаги шартларда белгиланади.

7.1.3. Учинчи шахснинг кафиллиги. Таъминот суммаси Якка тартибдаги шартларда белгиланади.

7.1.4. Ўзбекистон Республикасининг банкларида Мижознинг ҳисобларига ва омонатларига келиб тушувчи ва/ёки жойлаштирилувчи пул маблағлари, жумладан мулкни ижарага беришдан тушувчи даромадлар, иш ҳақи ва Микроқарз суммасидан Якка тартибдаги шартларда белгиланганган қийматда бошқа даромадларни талаб қилиш ҳуқуқи.

7.1.5. Транспорт воситалари/махсус техника/кучмас мулк гарови. Гаровнинг аниқ шартлари, нотариус орқали расмийлаштирилган гаров шартнома билан белгиланади. Қарз олувчи Банк томонидан маъқулланган суғурталаш компанияси орқали **"Гаров предмети"** суғурталаши ва микроқарз шартномасининг бутун амал қилиш даврига суғуртасини таъминлаши шарт. Суғурталаш ҳолати бошланганида наф олувчи бўлиб Банк ҳисобланади. Тегишли равишда расмийлаштирилган суғурта шартномаси, суғурта полиси ва Гаров предметининг нотариус орқали расмийлаштирилган гаров шартномаси микроқарзни тақдим этиш санасигача Банкка Қарз олувчи томонидан тақдим этилган бўлиши керак. Таъминот суммаси Якка тартибдаги шартларда белгиланади.

7.2. Агар Мижоз Микроқарзнинг Якка тартибдаги шартларида ўрнатилган санага Микроқарз бўйича асосий қарз, фоизларни ва/ёки бошқа тўловларни сўндириш бўйича бирон бир тўловни амалга оширмаган ҳолатида, Амалдаги қонунчиликка мувофиқ ундиришни таъминотга ва/ёки унинг (уларнинг) қисми(лари)га қаратиш ва/ёки Мижознинг қарздорлигини Суғуртачидан ундиришнинг сўзсиз ва чақириб олинмайдиган ҳуқуқини Банк олади ва Мижоз Банкка тақдим этади.

8. ШАХСИЙ МАЪЛУМОТЛАРНИ ҚАЙТА ИШЛАШ

8.1. Мижоз Банк билан микроқарз ажратиш Шартномаси тузиши, ҳамда Банкка Аризани юбориши билан, шахсий маълумотларини йиғиш, ёзиш, тизимлаштириш, тўплаш, сақлаш, аниқлаштириш (янгилаш, ўзгартириш), чиқариш, қўллаш, узатиш (киришга рухсат этиш, жумладан учинчи шахсларга шахсий маълумотларга ишлов беришни топширишда), эгасизлантириш, блоклаш, ўчириш, йўқотишнинг автоматлаштирилган воситаларини қўллаш билан ва/ёки қоғоз ва/ёки электрон ташувчилардаги Мижоз томонидан тақдим этилган шахсий маълумотларга ишлов беришни амалга ошириш ҳуқуқини (розилигини) банкга тақдим қилади.

8.2. Микроқарз ажратиш Шартномасининг мақсадларида Мижознинг шахсий маълумотлари деб Мижоз томонидан ёки унинг розилиги билан учинчи шахс томонидан Банкка ҳар қандай эҳтимолли усулда тақдим этилган бевосита ёки билвосита тегишли бўлган маълум ёки унинг ёрдамида Мижозга боғлиқ маълумот, жумладан, қуйидалар: фамилияси, исми, отасининг исми; туғилган санаси, ойи ва йили; контакт маълумотлар (телефон рақамлари, электрон почта манзиллари); шахсни тасдиқловчи ҳужжат маълумотлари; яшаш жойи ва/ёки жойлашиш жойи ҳақидаги маълумотлар, маълумоти тўғрисида ахборотлар, оилавий аҳволи, болалар сони, бандлик ва фаолият соҳаси, ўртача ойлик даромад ва ҳар ойлик харажатлар, тўланадиган солиқлар, нафақа чегирмалари ва шунга ўхшаш маълумотлар тушунилади.

8.3. Мижознинг юқорида кўрсатилган шахсий маълумотларига ишлов бериш қуйидаги мақсадларда амалга оширилади: Мижоз билан Микроқарз ажратиш Шартномасини тузиш имконияти Банк томонидан кўриб чиқилиши, унинг тузилиш масаласи бўйича ижобий ёки салбий қарор Банк томонидан қабул қилиниши, жумладан, Мижознинг шахсий маълумотларига фақат автоматлаштирилган ишлов бериш йўли билан; Мижоз томонидан кўрсатилган маълумотларнинг ҳаққонийлигини текшириш; юқоридаги Шартномани шартлари бажарилиши ва бекор қилиниши; Шартнома бўйича

қарздорликни талаб қилиш (сўндириш, ундириш); Мижознинг тўлов қобилиятини баҳолаш; унинг иш жойини, ҳақиқий яшаш жойи манзилни, телефонини ва Мижоздан олинган бошқа маълумотларни излаш ва текшириш; Банк ва/ёки Банк Ҳамкорларининг маҳсулотларига Мижознинг қизиқишини аниқлаш; Мижозни маркетинг сегментига киритиш; Мижозга Банкнинг бошқа хизматларини ва маҳсулотларини таклиф этиш ва кўрсатиш (тақдим этиш) (шу билан бирга жумладан Банк томонидан тақдим этилувчи бошқа хизматларни кўрсатиш билан боғлиқ бўлган бошқа шартномаларни тузиш имкониятини Банк томонидан кўриб чиқилиши).

8.4. Микроқарз бериш тўғрисида шартнома тузишда Мижоз Банкка исталган вақтда кредит битимини тузиш, ўзгартириш ва ижросини мониторинг қилишда таваккалчиликни баҳолаш мақсадида, шу жумладан кредит ахбороти субъектларини рейтинг баҳолаш йўли билан, шунингдек қонун ҳужжатларида белгиланган бошқа мақсадларда кредит тарихи бюросидан ўзининг кредит тарихи тўғрисидаги маълумотларни сўраб олишни топширади.

9. МИКРОҚАРЗ БЕРИШ ШАРТНОМАСИ ТОМОНЛАРИНИНГ ҲУҚУҚ ВА МАЖБУРИЯТЛАРИ

Мижоз қуйидаги ҳуқуқларга эга:

9.1. Микроқарз ажратиш Шартномаси билан ўрнатилган муддатдан олдин, ҳар қандай вақт, жарима санкцияларисиз Микроқарзни сўндиришга.

9.2. Пул маблағларини олгунгача даврда Шартномани тузгандан кейин Микроқарзни олишдан бепул асосда воз кечиш.

9.3. Микроқарз бўйича гаровда бўлган Микроқарзни таъминотидаги депозитининг (омонатининг, агар у мавжуд бўлса) маблағларини, депозитни (омонатни) амал қилиш муддатига боғлиқ бўлмаган ҳолда микроқарзни сўндиришга йўналтириш. Бунда, агар Мижоз шартномада кўрсатилган (омонат) муддати якунлангунга қадар Микроқарз бўйича гаровда бўлган муддатли депозити (омонати) маблағларини Микроқарзни қайтаришга йўналтириш истагида бўлса, у депозитни (омонатни) қайтаришнинг тахминий санасигача камида бир ой олдин бу ҳақда банкни хабардор қилиши керак.

9.4. Микроқарз ажратиш Шартномаси амал қилиш даврида бир ойда бир марта бир иш куни давомида бепул асосда ёзма шаклда қуйидаги маълумотларни олишга:

- Микроқарз бўйича тўланган пул маблағларининг суммаси ҳақида;
- асосий қарзнинг қолдиғи ҳақида;
- навбатдаги тўловлар миқдори, таркиби ва муддатлари ҳақида (тўловлар жадвали);
- муддати ўтган қарздорлик миқдори ва таркиби ҳақида;
- келиб тушувчи пул маблағларининг Микроқарз бўйича қарздорликни сўндиришга йўналтириш ҳақида.

Мижоз шундай турдаги ҳужжатлар билан алмашиш МБХ воситалари билан электрон шаклда амалга оширилиш шартини қабул қилади, улар қоғоз ташувчисидagi ҳужжатга тенглаштирилади ва улар билан бир хил юридик кучга эга бўлади.

9.5. Микроқарз ажратиш Шартномасини тузиш санасидан 14 (ўн тўрт) кун давомида Микроқарзни олиш. Ушбу муддат ичида Микроқарз ишлатилмаса банк хохишига кўра Микроқарзнинг ишлатилмаган қисми ажратилмайди.

9.6. Универсал шартнома ва Амалдаги қонунчиликка мувофиқ бошқа ҳуқуқлар.

Мижоз қуйидаги мажбуриятларни олади:

9.7. Қарздорликни сўндириш ва Микроқарз ажратиш Шартномасига мувофиқ тўлиқ ҳажмда унда кўзда тутилган барча тўловлари ва хизматларининг тўловини, жумладан амалга оширилган операциялар бўйича эътирозлар тақдим этилган ҳолатда бундай эътирозларни қониқтириш бўйича якуний қарор қабул қилинган пайтгача, амалга ошириш.

9.8. Микроқарз ажратиш Шартномаси ва Банкнинг амалдаги Тарифлари билан

келишилган комиссияларни ва тўловларни Банкка тўлаш.

9.9. Микроқарз бўйича тўловни ўрнатилган тўлов санасидан кечиктирмасдан махсус ҳисоб рақамда шакллантиришни таъминлаш. Тўлов санасига (жумладан) Микроқарз бўйича тўловларни Банк томонидан ечиб олиниши учун етарли бўлган сумманинг Ҳисобда мавжуд бўлмаганида Муддати ўтган қарздорлик ҳосил бўлади, у ҳақидаги маълумотлар кредит тарихи бюросига Банк томонидан тақдим этилади, бу Мижознинг кредит тарихига салбий таъсир кўрсатади.

9.10. Учинчи шахсларнинг фойдаланишига Банк Картасини (унга Микроқарз тақдим этилган) ва/ёки мобил телефон Рақамини ва/ёки МБХга уланган Абонент курилмасини бермаслик. Мазкур банднинг Мижоз томонидан бузилиши ҳолатида, барча ҳаракатлар ва амалиётлар учун жавобгарликни Мижоз ўз зиммасига олади.

9.11. Банкнинг сўрови бўйича, зарурат туғилган ҳолатда, Банкнинг тегишли сўровини олган пайтдан 3-иш куни давомида Мижознинг молиявий ва мулкӣ ҳолатини тасдиқловчи ҳар қандай ҳужжатларни Банкка тақдим қилиш.

9.12. Ф.И.Ш., яшаш жойи, иш жойи, яқка тартибдаги маълумотлар, шахсий, биографик маълумотлар ёки бошқа маълумотларнинг ўзгартирилиши ҳолатида ушбу ўзгартиришлар ҳақида Банкка шундай ўзгаришлар пайтидан 1 (бир) кун давомида хабар бериш.

9.13. Мижознинг молиявий ҳолатини ёмонлашишига ва Микроқарз ажратиш Шартномаси бўйича Банк олдида Мижоз билан ўз мажбуриятларини бажармаслик ва/ёки тегишли бўлмаган равишда бажаришнинг хавфи юзага келишига олиб келиши мумкин бўлган ҳеч қандай мажбуриятларни ва чораларни ўз зиммасига олмаслик.

9.14. Меҳнат шартномасини бекор қилиш ҳақида иш берувчига ариза киритилгандан кейинги иш кунидан кечиктирмасдан бу ҳақда Банкка хабар қилиш.

9.15. Ҳар қандай ахборот манбаларини қўллаш билан Мижоз томонидан тақдим этилган маълумотларни, ҳамда Микроқарзни олиш учун Мижоз томонидан тақдим этилган Сўровномада ва ҳужжатларда кўрсатилган маълумотларни Банк, унинг ходимлари ва қонуний вакиллари, жалб қилинган аутсорсинг компаниялари томонидан, жумладан улар томонидан яшаш, иш жойига ва шунга ўхшаш жойларга ташриф буюриш йўли билан текшириш ва қайта текшириш имкониятини тақдим қилиш;

9.16. Мазкур Микроқарз ажратиш Шартномасининг шартларидан келиб чиқадиган Микроқарз бўйича асосий қарз бўйича тўловлар, фоизлар, жарималар ва/ёки бошқа тўловлар муддати келганида Банкдаги Мижознинг исталган ҳисобидан, ҳамда ушбу Шартнома билан кўзда тутилган кетма-кетлик тартибида бошқа банклардаги Мижознинг ҳисобларидан маблағларни ечиб олинишига акцептсиз, сўзсиз ва чақириб олинмайдиган ҳуқуқни Банкка тақдим этиш.

9.17. Банкнинг талаби бўйича Банкка етказилган барча харажатларни ва зарарларни, жумладан, мазкур Микроқарз ажратиш Шартномаси доирасида тақдим этилувчи Микроқарз бўйича қарздорликни (асосий қарз ва бошқа тўловлар) мажбурий ва/ёки муддатида олдин ундириш учун чораларни кўриш муносабати билан қилинган, унга қоплаб бериш.

9.18. Мижоз Банкнинг розилигисиз бошқа шахсга Микроқарз бўйича ўз ҳуқуқларини ва мажбуриятларини тўлиқ ёки қисман топшириш ҳуқуқига эга эмас.

Банк қуйидаги ҳуқуқларга эга:

9.19. Кредитлаш жараёнида Банк Мижознинг молиявий ҳолатини текшириш ҳуқуқига эга. Бундай текширишларнинг даврийлиги Банк томонидан ўрнатилади;

9.20. Қуйидаги ҳолатларда:

1) Микроқарз ажратиш Шартномаси бўйича Мижоз томонидан ўз зиммасига олган мажбуриятларни бузиши ва/ёки бажармаслиги ва/ёки тегишли бўлмаган равишда бажариши;

2) Мижознинг молиявий ҳолатини ёмонлашиши ва/ёки агар Мижозга нисбатан жиноят иши қўзғатилган бўлса ва/ёки агар қарзни қоплашга таъминот сифатида тақдим этилган Мижознинг мулкига таъқиқ солинган бўлса ва/ёки Мижознинг пул маблағларига

музлатиб қўйиш ёки бошқа мулк билан бўлган амалиётлар тўхтатилган бўлса;

3) Мижоз томонидан нотўғри маълумотлар тақдим этилиши ҳолати Банк томонидан аниқланганда;

4) Мижознинг банк назоратидан бўйин товлаши ва/ёки Мижозни тижорат банкларида жиноят фаолиятидан олинган даромадларни қонунийлаштириш, терроризмни молиялаштириш ва оммавий қирғин қуролини тарқатилишини молиялаштиришга қарши курашиш бўйича ички назорат Қоидалари талабларига мувофиқ Мижоз томонидан шубҳали ва гумонли амалиётларни амалга ошириш эҳтимоли текширувини амалга ошириш имконияти мавжуд бўлмаганида;

5) мазкур Умумий шартлардан келиб чикувчи Микроқарз бўйича асосий қарзни, фоизларни, комиссияларни ва/ёки бошқа тўловларни ўз вақтида сўндирмаслик;

6) Микроқарзни қайтармаслик хавфини оширувчи бирон бир далилларнинг пайдо бўлиши;

7) Банк Картасини (унга Микроқарз тақдим этилган) рухсатсиз қўлланилишига гумон пайдо бўлган ҳолатда;

8) нотўғри ёки ёлғон маълумотларни (ҳужжатларни) тақдим этиш ёки Банк томонидан сўралган маълумотларни (ахборотларни) тақдим этишдан бош тортиш, жумладан Қарз олувчининг микроқарз, молиявий ҳолатини мониторингини амалга ошириш учун;

Банк куйидаги ҳуқуқларга эга:

- агар мобил иловада чекловлар ҳақида SMS-хабар ёки PUSH-хабар юборилганидан сўнг 48 (қирқ саккиз) соат ичида Микроқарз олиш учун ариза мижоз томонидан бегона шахсларнинг таъсири остида топширилганлиги аниқланса ёки мижоз томонидан тасдиқлаш жараёни бажарилмаган бўлса, Микроқарз бериш тўғрисидаги шартномани бир томонлама бекор қилиш ва бу ҳақда Мижозни хабардор қилган ҳолда фойдаланилмаган пул маблағларини қайтариш;

– бир томонлама тартибда шартнома бўйича Микроқарзни тақдим этилишини муддатидан олдин тўхтатиш, бу ҳақда Қарз олувчини қонунчиликда ўрнатилган муддатларда хабардор қилиш, ва Микроқарзни муддатидан олдин ундирилишини талаб қилиб ва ундирувчи гаров предметида ва/ёки унинг қисми(лари)га йўналтириш йўли ва/ёки қарздорлик қийматини Кафилдан/Гаровчидан/Суғуртачидан ундириш.

– Ёзма хабарноманинг юборилиш санаси бўлиб Мижозга/Қарз эгасига/Кафилга унинг тақдим этилиш санаси ёки почта жўнатмаси санаси ҳисобланади;

– шартнома бўйича янги суммалар ва/ёки янги кредитлар/қарзлар беришни тўхтатиш;

– шартнома бўйича қарздорликни муддатидан олдин ундирилишини даъво қилиш;

– ўз ихтиёри бўйича комиссиялар ва/ёки жарималарнинг суммасини ундирмаслик;

– ўзининг ягона мутлақ ихтиёрига кўра Микроқарз ажратиш Шартномаси бўйича ундириш ва мажбуриятларни мажбурий бажарилишини суд процедурасини бошлаш;

– Шартноманинг шартларидан келиб чиқадиган микроқарз бўйича асосий қарзни, фоизларни, ва/ёки бошқа тўловларни сўндиришга маблағларни йўналтириш билан Банкда очилган Қарз олувчининг исталган ҳисобидан, улар мавжуд бўлмаганида - ҳар қандай, жумладан бошқа банклардаги бошқа ҳисоблардан акцептсиз ва сўзсиз тартибда уларни ҳисобдан ечиш.

9.21. Пул маблағларини қайтариш натижасида Мижознинг сўндириш ҳисобрақамига келиб тушган пул маблағлари Микроқарз ажратиш Шартномаси бўйича Микроқарзни ишлатилмаган суммасини қайтариш сифатида Микроқарз бўйича асосий қарзни сўндириш ҳисобига мустақил банк томонидан юборилади.

9.22. Банк ўз ихтиёри бўйича мазкур Умумий шартларда кўрсатилган ҳуқуқлардан/талаблардан исталганини қўллаши ёки қўлламаслиги мумкин. Ушбу ҳуқуқларни/талабларни қўлламаслик ёки қисман қўлланилиши ушбу ҳуқуқлардан/талаблардан воз кечишни англатмайди ва улар Шартноманинг амал қилиш

муддати давомида исталган вақт қўлланилиши мумкин.

9.23. Банк алоқа воситалари ёрдамида ва сўровномада ва Микроқарзни олиш учун Банкда Мижоз томонидан тақдим этилган бошқа ҳужжатларда кўрсатилган манзилга (телефонларга), ҳамда Мижоздан олинган контакт маълумотлар, жумладан телефон алоқаси, телефон рақамига SMS-хабарномани юбориш йўли билан, доимий рўйхатдан ўтиш/ҳақиқий яшаш манзили бўйича почта хизмати орқали, электрон почта орқали, ёки ҳар қандай бошқа алоқа воситалари, ҳамда Мижозни кўрсатилган доимий рўйхатдан ўтиш/ҳақиқий яшаш/иш жойи бўйича ташриф буюриш йўли билан Мижоз билан боғланиш ва унга муддати ўтган қарздорлик мавжудлиги ва Шартнома бўйича мажбуриятларни бажарилмаганлиги ҳақида билдиргилар ва хабарномалар юбориш ҳуқуқига эга.

9.24. Қарз олувчи томонидан мажбуриятлар бажарилмаган тақдирда, Банк фоизларни капитализация қилиш, шу жумладан уларни асосий қарз таркибига киритиш ҳуқуқига эга. Фоизларни капиталлаштиришга фақат Банк томонидан белгиланган меъёрларга жавоб берадиган Қарз олувчиларга нисбатан йўл қўйилади. Қарз суммасига ҳисобланган фоизлар капиталлаштирилади ва қарзнинг асосий суммасига қўшилади. Фоизларни ҳисоблаш мижозга тўлов жадвалини тақдим этган ҳолда оширилган суммани ҳисобга олган ҳолда амалга оширилади.

Банк обязуется:

9.25. Мижозга Умумий шартлар билан белгиланган лимит чегарасида ва муддатларда Микроқарздан фойдаланиш имкониятини тақдим этиш;

9.26. Микроқарз бўйича қарздорликни ундириш мақсадида, шартномада Мижоз билан келишилган алоқанинг ҳар қандай усуллари кўллаб, муддати ўтган қарздорлик юзага келган санадан 7 (етти) календар кун давомида қарздорликни сўндириш зарурати ва Микроқарз бўйича мажбуриятларни бажармаслик оқибатлари ҳақида Мижозни ўрнатилган шаклда хабардор қилиш. Хабарномани қўлга топшириш ва бу ҳақда телефон орқали оғзаки эслатиш маҳаллий вақт бўйича соат 20:00дан соат 8:00гача даврда амалга оширилмайди.

9.27. Мижознинг кредит юкласини келажакда ортишини олдини олиш мақсадида электрон почта алоқаси ёки МБХ воситаларида шахсий кабинетга ёки Сўровномада Мижоз томонидан тақдим этилган мобил телефон рақамига SMS-хабарнома/PUSH-билдирги юбориш йўли билан сўндириш жадвалини ва уни сўндириш тартибини илова қилиш билан муддати ўтган қарздорлик юзага келганлиги ҳақида Микроқарз ажратиш Шартномаси бўйича муддати ўтган қарздорлик юзага келган санадан 7 (етти) календар кун давомида хабардор қилиш.

9.28. Мижознинг тегишли сўрови Банкка келиб тушиш кунидан бир иш куни давомида Шартнома бўйича мажбуриятларни тўлиқ бажариш ҳолатида Микроқарз ажратиш Шартномаси бўйича Мижоз томонидан мажбуриятларнинг тўлиқ бажарилганлигини тасдиқловчи ҳужжатни МБХ тизимлари ёрдамида ёки Мижознинг истаги бўйича ёзма кўринишда тақдим этиш.

9.29. Қарз олувчининг тегишли сўровини Банкда рўйхатдан ўтиш санасидан беш иш куни давомида Мижозга Микроқарзни тақдим этилганлигини тасдиқловчи ҳужжатни тақдим этиш.

9.30. Қарз олувчини SMS-хабар ёки PUSH-хабарнома юбориш орқали капиталлаштириш ўтказилиши тўғрисида хабардор қилиш.

9.31. Қарз олувчига унинг ёзма сўровига кўра кредитга оид маълумотларни тақдим этиш, унинг ҳуқуқ ва мажбуриятлари, шу жумладан Микроқарз бериш билан боғлиқ барча харажатлар тўғрисида ишончли ва тўлиқ маълумот бериш.

10. МИКРОҚАРЗ АЖРАТИШ ШАРНОМАСИ ТОМОНЛАРИНИНГ ЖАВОБГАРЛИГИ

10.1. Томонлар Шартнома ва Амалдаги қонунчиликдан келиб чиқадиган ўз

мажбуриятларини бажармаслик ёки тегишли даражада бажармаслик учун жавобгар.

10.2. Томонлар Шартнома бўйича ўз мажбуриятларини бажармаслиги ёки тегишли даражада бажармаслиги енгиб бўлмас куч ҳолатининг оқибати ҳисобланса, яъни ҳолатларнинг ушбу шароитларида фавқулодда ва олдини олиб бўлмайдиган вазиятларда жавобгарликдан озод этилади. Енгиб бўлмас куч ҳолатларининг таъсирини Томонлар ваколатли органлари ҳужжатлари билан тасдиқлашлари керак. Бундай ҳолатларга, шу жумладан, ҳарбий ҳаракатлар, оммавий тартибсизликлар, табиий офатлар, ҳарбий-сиёсий вазиятнинг ўзгариши, мазкур Умумий шартлар билан кўзда тутилган мажбуриятларни бажарилишини имконсиз қилувчи қонунларнинг ва бошқа меъёрий ҳужжатларни давлат ҳокимияти ва маҳаллий ўзини-ўзи бошқариш органлари томонидан қабул қилиниши ҳам киради.

10.3. Бунда, Томонлар коронавирус инфекцияси (COVID-19) пандемияси ва (ёки) ҳар қандай бошқа эпидемиялар ёки касалликларнинг авж олиши, ҳамда пандемия муносабати билан киритилувчи чеклов чоралари (жумладан Ўзбекистон Республикасида карантиннинг эълон қилиниши), мазкур Шартнома бўйича "енгиб бўлмас куч ҳолати" деб тан олинмаслигини англайди ва розилик билдиради ва Томонлар Ўзбекистон Республикасининг Фуқаролик кодексини 333-моддаси 3-қисмига биноан унинг диспозитивлигини ҳисобга олган ҳолда енгиб бўлмас куч ҳақидаги қоидаларнинг қўлланилишини истисно қилади. Шартноманинг мазкур бандининг таъсири ҳаттоки Томонларнинг ўз мажбуриятларини бажаришига таъсир этувчи, давлат органлари томонидан бундай ҳолатларни олдиндан кўриб билолмаган ва/ёки онгли чоралар кўриш билан олдини олиш имконига эга бўлмаган чекловларни ўрнатувчи ҳаракатлар ёки қарорлар қабул қилиниши ҳолатида ҳам қўлланилади.

10.4. Мижоз Микроқарз, фоизлар, комиссиялар ва у бўйича бошқа тўловларни ўз вақтида ва тўлиқ қайтариш, ҳамда Мижоз томонидан мажбуриятларни бажармаслик ёки тегишли бўлмаган равишда бажариш билан чақирилган қарзни ва бошқа зарарларни ундириш бўйича суд харажатларини қоплаш учун Банк олдида бутун ўзининг мулки билан жавоб беради.

10.5. Микроқарзни ва унга қўшиб ҳисобланган фоизларни сўндириш бўйича мажбуриятларни ўз вақтида бажармаслик, ҳамда шартнома бўйича мажбуриятларни бажармаслик учун микроқарзнинг Якка тартибдаги шартларига биноан жарима ундирилади. Мижоз Банкда ва бошқа тижорат банкларида очилган Мижознинг ҳар қандай ҳисобрақамидан акцептсиз ва сўзсиз тартибда ҳисобланган жариманинг ҳар қандай суммасини ечилишини тан олади ва Банкга бу ҳуқуқни беради.

10.6. Шартнома бўйича мажбуриятларни бажармаслик ёки тегишли бўлмаган равишда бажариш ҳолатида Банк Универсал шартнома ва Амалдаги қонунчиликка мувофиқ жавобгарликни ўз зиммасига олади.

10.7. Банк микроқарзни ишлатишга боғлиқ амалга оширилган унинг назорати муҳитидан ташқари низоли ва тортишувли ҳолатларнинг вужудга келиши учун жавобгарликни ўз зиммасига олмайди.

10.8. Банк техник узилишлар (электр таъминотининг ва алоқа тармоқларининг ўчирилиши/шикастланиши Тўлов тизимларининг ишидаги техник носозликлар) ҳолатида, ҳисобга маблағларнинг ўтказилиши учун Мижоз томонидан реквизи́тларнинг нотўғри/нотўлиқ кўрсатилиши ҳолатида мазкур Умумий шартларни бажармаслик ёки тегишли бўлмаган равишда бажариш учун жавобгарликни ўз зиммасига олмайди.

10.9. Банк йилига йиллик қарз суммасининг ярмидан кўп бўлмаган миқдорда фоизлар ҳисоблаш, комиссия ва неустойка (жарима, пеня) ундириш, жавобгарликнинг бошқа чораларини қўллаш ҳуқуқига эга.

10.10. Шартнома бўйича кредит маблағларини тақдим этиш мажбуриятини бажармаганлиги ёки ўз вақтида бажармаганлиги учун Мижоз Банкдан ҳар бир кечиктирилган кун учун тақдим этилмаган кредит маблағлари суммасининг ўндан бир фоизи миқдорида, бироқ тақдим этилмаган кредит маблағлари суммасининг ўн фоизидан

ошмайдиган миқдорда пеня ундириш ҳуқуқига эга.

11. МИКРОҚАРЗ АЖРАТИШ ШАРТНОМАСИ БЎЙИЧА НИЗОЛАРНИ ҲАЛ ҚИЛИШ

11.1. Микроқарз ажратиш Шартномаси муддатида томонларда вужудга келувчи барча низолар ўзаро мақбул қарорларни ишлаб чиқиш мақсадида томонлар билан дастлабки тартибда кўриб чиқилади.

11.2. Шартнома тарафлари ўртасида юзага келадиган низоларни, шу жумладан шартнома шартлари бажарилмаганлиги сабабли келиб чиққан низоларни, шунингдек уни ижро этиш, ўзгартириш, бекор қилиш, тўхтатиб туриш билан боғлиқ низоларни судгача ҳал этиш имкони бўлмаган барча ҳолларда, низолар даъвогарнинг танловига кўра Тошкент шаҳар ва Тошкент вилояти фуқаролик ишлари бўйича судларида кўриб чиқилиши ёки қонун ҳужжатларида белгиланган тартибда нотариал тасдиқланган ижро ёзувини олиш орқали ҳал этилиши лозим.

Қарз нотариал ижро ёзувини олиш йўли билан ундирилганда, қарз олувчи нотариал ижро ёзувининг ҳақиқийлигини сўзсиз тан олади. Низоларни ҳал этишда даъвогар судга мурожаат қилиш ёки нотариал ижро ёзувини олишни танлаш ҳуқуқига эга.

12. МИКРОҚАРЗ АЖРАТИШ ШАРТНОМАСИНИ ЎЗГАРТИРИШ ВА БЕКОР ҚИЛИШ ТАРТИБИ

12.1. Шартнома Мижознинг ташаббуси билан шартномани бекор қилишга Аризанинг Банкка тақдим этилишида Банк билан тўлиқ ҳисоб-китобларни амалга оширилиши ва қарздорликни тўлиқ сўндирилиши шарти бажарилганда ҳар қандай пайт бекор қилиниши мумкин.

12.2. Шартнома Банкнинг ташаббуси билан шартнома бўйича мажбуриятларнинг Мижоз томонидан бажармаслик ҳолатида бир томонлама суддан ташқари тартибда бекор қилиниши мумкин, ушбу Шартнома Банк томонидан шундай бекор қилиш ҳақида хабарнома Мижозга юборилган кундан 3 (уч) кун ўтиб бекор қилинган ҳисобланади.

12.3. Шартноманинг бекор қилиниши Мижознинг шартнома бўйича қарздорликни, жумладан, шартнома амал қилиш даврида вужудга келган Банкнинг комиссияларини тўлаш бўйича қарздорликни сўндириш мажбуриятини бекор қилинишига олиб келмайди.

13. МИКРОҚАРЗ АЖРАТИШ ШАРТНОМАНИНГ АМАЛ ҚИЛИШ МУДДАТИ

13.1. Шартнома микроқарзнинг Якка тартибдаги шартларини Мижоз томонидан акцепт қилиниш пайтидан кучга киради.

13.2. Шартнома Микроқарз бўйича кредитлаш даврида амал қилади ва у бўйича мажбуриятларнинг Мижоз томонидан тўлиқ бажарилишидан кейин тўхтади.

13.3. Микроқарз тўлиқ қайтарилган ва Қарз олувчи томонидан Микроқарз бериш тўғрисидаги шартнома бўйича барча мажбуриятлар бажарилган ва кредит линияси доирасида янги Микроқарз талаб қилиб олинмаган тақдирда - шартнома лозим даражада бажарилганлиги сабабли бекор қилинган ҳисобланади.

14. ЯКУНИЙ ҚОИДАЛАР

14.1. Мазкур Умумий шартлар билан назарда тутилмаган шартлар Амалдаги қонунчиликка мувофиқ тартиблаштирилади.

14.2. Низолар юзага келиш ҳолатида банк ёзувлари мазкур Шартнома бўйича иккала томонларнинг мажбуриятларининг устунликдаги далиллари ҳисобланади.

14.3. Қарз олувчининг вафот этиши, унинг барча ҳуқуқлари ва мажбуриятлари

Ўзбекистон Республикасининг қонунчилиги билан ўрнатилган тартибда унинг меросхўрларига ўтади.

ЭЪТИБОРЛИ БЎЛИНГ! Агар кимдир Сизга ва Сизнинг яқинларингизга кредит (қарз) олишда ўз ёрдамини таклиф қилаётган бўлса, билинг, «**ANOR BANK**» **АЖ** воситачилар хизматидан фойдаланмаган ҳолда тўғридан-тўғри Мижозлар билан ишларни олиб боради.

кк.00.йййй й.

Микроқарз бериш тўғрисида
№ ____ - сонли шартнома
шартларга 1- илова.

МИКРОҚАРЗНИНГ СЎНДИРИШ ЖАДВАЛИ

Мижознинг исми шарифи: _____

Шартнома санаси: _____

Жадвалнинг бошланиш санаси: _____

Жадвали тугаши санаси: _____

Шартноманинг тўлов санаси: _____

Шартнома суммаси, сўмда: _____ (сумма ёзма равишда)

Шартнома муддати, ойда: _____

Фоиз ставкаси, йиллик: _____

Микроқарз сундириш методи: _____

Банк коди (МФО): _____

№	Тўлов санаси	Микроқарз қолдиғи	Асосий қарз	Фоизлар	Тўлов учун жами	Жами барча тўловлар
1						
2						
3						
4						
		Жами				

* Агар кредитни қайтариш жадвали расмийлаштирилгандан сўнг кредит бўйича молиялаштиришни бошлаш муддатлари ёки шартномада назарда тутилган ўзгартириладиган фоиз ставкаси ўзгариши, томонларнинг кредит шартномаси шартларини қайта кўриб чиқиши (шу жумладан кредитни таркибий ўзгартириш), Қарз олувчи томонидан Кредитни қисман муддатидан олдин қайтариш муносабати билан кредит бўйича тўловларни амалга ошириш саналари ва муддатлари ёки оралиқ кредит тўловлари миқдорлари ўзгарса, Банк Кредитни қайтариш жадвалини қайта расмийлаштириб, уни Қарз олувчига тақдим этади. Бунда Кредитни қайтариш жадвали қайта расмийлаштирилиши билан илгари амал қилган Кредитни қайтариш жадвали ўз кучини йўқотади.